





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63

16
101
9
Florentinorum Oratio coram Summo Pont.
Alexandro. VI. ac eius sacro Senatu per Gentilem Episcopum Aretinum.

Venimus Beatissime Pater accepturi primū in Pontificem: quēcunq; sacer iste Senatus dedisset. Mox sanctitati tuæ quā dedit solitam obediētiam pmissuri. Altere debite Altere deuote Florentini populi erga Romanam sedem obseruantia. Ex quo. n. Gherardus Florētinus & quidem Epus: Nicolaus scilicet sedus: ius eligendi Pontificis ad Cardinales reduxit: obligauit nos reliquos xpianos eum in pastorem accipe: quē patres ipsi sua creatiōe dedissent. Paruimus haecenus religiosissime tam sanctae constitutiōis: a nullaq; unq; huius aplici collegii electione Ciuitas Florētina deflexit. Hāc uero quā modo fecistis Reueren. Patres tam libeter accipimus ut & gratias agamus Reueren. dñationibus uestris: & omnē illis dñi retributionem supplicemus. Cupiebamus enī uel ultimum uestri ordinis: dedistis primariū. Nolebamus aliquem qui sal ab aliis esset empturus: dedistis eum qui possit illud uendere & sapientibus. Cupiebamus Pontificē qui compati posset infirmitatibus nostris: Dedistis eum qui clemētia bonus Christi uicarius. Qui liberalitate nobis magnus Alexander sit futurus. Nolebamus gubernatorē qui aut fluctuante nauicula dubitaret: aut dormiret trāquilla. Dedistis eū qui & in



fluctibus manum unam ad clauum; alteram ad remum
teneat: & in portu sua sit semper retia refecturus. De-
clarastis deniq; omnibus q̄ domini sint Cardinales ter-
ræ qui posuit super eos orbem. Veræ columnę aureę
super bases argenteas & fundamenta æterna supra soli-
dam petram qui oblitus omnis uestri priuati ædificiū; Cō-
muni Christianorū ecclesiæ subuenistis. Licet enim e-
tam sancto collegio nihil non sanctum eligi poterat:
Siue tamen q̄ in eo uota omnium uestrum cernimus;
Siue q̄ illum in omnibus uobis arbitramur: utiliore
dare nobis Pontificem his temporibus potuisse nō cre-
dimus. Non alia uolebat esse rerum experientia: Non
minor animi magnitudo. Talem decebat moderatio
nem cum qui soli deo esset sue uillicationis rationē red-
diturus. Empta profecto non fuit in templo colum-
ba quæ tam sancte uos inspirauit: Sed uolūtas: Oranti-
bus uobis: Venit ex alto. Spiritus enim sanctus disci-
plinæ effugit fictum: Et quod nostris manibus fabrica-
tum in dei templo quandoq; putamus illius structura
est qui spirat ubi uult: qui per nolentes etiam operatur
ministros: qui nō esset Is qui datus est patrib⁹ uestris
ut maneat uobiscum in æternum: si Conclauē uestro in
tanta electione defuisset. Pro tam uera igitur Spirit⁹
dei canonica ac celestī electione Reuerendissimi Patres
filioli illi uestri qui nos miserunt: Si referre nō possunt
Suprauires se tamen debere fatentur: Et sanctum hoc
opus uestrum quantum in eis est: Extollunt: Veneran-

102
tur: Adorant. Ad te uero cōuersi Beatissime Pater he-
sitamus an communem illam assumptionis: gratulatio-
nem imitemur. Nouimus enim Sanctitatem tuā hoc
oneris: ad communem utilitatem: nō priuatam laudem
suscepisse. Adeo præterea ueremur: ne hæc plenitu-
do potestatis: Curarum plenitudo sit: Vt condolēdum
potius quieti Sanctitatis tuæ q̄ potestati gratulandum
quandoq; putemus. Vincit tamen priuatam sollicitu-
dinem publica ratio: Nec finit nos non lætos uidere
tronum Christianæ gloriæ plenum maiestate sua. In-
genium illud ad omnia summa natum. Illa mentis &
in gerendis rebus foelicitas peculiare affectus nostros
non recipiunt. Vox enim in terra nostra audita est:
Exultate & letamini in domino deo uestro: quia dedit
uobis doctorem iustitiæ. Sanctitati quoque tuæ qui
dixit: Tu pascere populum meum: & tu eris Princeps su-
per eum. Is est qui dat etiam cum temptatione puen-
tum. Venisti enim in altitudinem Maris: non diffite-
mur. At super illud Petrus prædecessor olim tuus sic
cis pedibus: cum iam amplius non dubitasset: ambula-
uit. Ingressus es fluctuantem nauiculam: non nega-
mus: sed quæ mergi non possit: & cui præsit qui impe-
rat uentis & mari. Fidem in fidelibus plenam in cu-
stodiam suscepisti. Pro illa orauit Saluator noster ut
nō deficeret. Mortales arctus immortalī sarcinē sub-
misisti. At huic labori ministri sunt Cœli: & corona

aurea super mitram eius. Fuisti denique haecenus homo
diuinus: eris posthac deus humanus. Tenes. n. uicē in
terrīs eius cui flectit omne genu: eius qui est Rex regū
& dñs dominātium. Qui aufert spiritum principū &
ministros suos facit ignem urētem. Habes sedem: de
qua Dominus: Locus solii mei & locus uestigiōꝝ pedū
meōꝝ ubi habito in æternum. De qua rursus: Nō ne
hæc quæ humilē exaltauit & sublimē humiliauit. Cu
ius inquā p̄prium est ut tūc uincat cum ledit. Tunc se
cura sit cum superata uidet. Locus certe in quo sc̄tus
stas. Beatissime Pater terra sancta est: Locus Petri prin
cipis Ap̄lorum ubi steterūt pedes ei⁹. Locus illius quē
constituit dñs Principē omnis possessionis eius. Stat
incōcussum priuilegiū tuum tibi. Tu solus hamo pi
scari. Tu in altum potes retia laxare. Tu hæres apo
stolorum: Tu uiua lex: Tu specula: Tu es cui cla
ues traditæ: cui oues creditæ sunt. Non potes nō tra
here plenum magnis piscib⁹ retia: cum dñs sit qui in al
tum mittere iubeat. Non potes nō aperire cœlos aliis
qui illos tibi tā nolētes aperuisti. Nō potes nō diuinę
diuinam sedē tenere: qui terrenum nihil in illā contulisti.
Exultat igit̄ merito ubiq; & gloriat̄ in dño om
nis ecclesia sanctorū: Quia suscitauit illi dñs Pastorem
qui gregem suum pascit in herbis uiuentibus sup mon
tes Israel: Cuius uirgo corruerat & nō erat qui subleua
ret eam. In tpe opportuno aperuit manum suam: para
uit sanctum suum in oculis omnium gentiū. In me

105.
dño necessitatis nostræ recordatus est misericordiæ suæ.
Concipe modo tu Beatissime Pater fortitudinē ad sal-
uandas gentes: Concipe supplicamus per eas æterni-
tates ad quas fulgebunt tanq̃ stellæ firmamēti qui eru-
diunt alios. Timeat oīs populus sacerdotē dñi audiēs
sapientiam dei esse in illo: Et sciant gētes Prophetam
esse in Israel. Erue a frāmea & de manu canis unicam
dñi. Dona siquid laboris istī Athlantis humeri subi-
turi sunt ouibus illis pro quibus primus pastor bonus
aīam suam ponere: nō dubitauit. Aut enim suū ac tot
martyrū sanguinis obliuiscet dñs: aut ecclesiā pro qua
crucifixus est tecum sustinebit. Vnum est: unum Be-
atissime Pater quod ab humeris Sanctitatis tuæ excu-
tere nō possum: Hoc illud unum est q̃ nihil ignoran-
tiæ: nihil impotentiae: nihil fortunæ condonabitur:
Quicquid erit ouibus tuis a sola uoluntate sanctitatis
tuæ reputabit. Quam tñ bonam & scdm gloriā pon-
tificatus sui speramus non minus q̃ optemus. Quid
enim illi nunc supest aliud ad summū humanæ condi-
tionis euectē: nisi ut cœlo uiuat: ac nomē Rodorici Ale-
xandri diuinis operibus faciat imortale. Sed hæc oēs
tangunt Beatissime Pater: hæc uniuersis fidelibus læti-
tiæ cōmunis est ratio. Nos uero quantulacunq; pars
simus xpīani gregis: qui ex oleis facti oleastri eramus:
non diu est: tanq̃ oues errātes: Quomodo nunc cōuersi
ad pastore & Ep̃um animarū nostrarū: possumus nō læ-
tari. Quomodo præuenti benedictiōibus dulcedinis

hanc mutationē dexteræ excelsi sine gaudio possumus
intueri? Spectamus nūc in matris nostræ sinu patriæ
nostræ delicias. Videmus primariæ familiæ heredita-
tis nostræ funiculum sedere tandem cum principibus
populi sui. Siliquæ iam nobis omnes in saginatū uer-
sæ sunt; Nihil non pristinum; Nihil non maternum ex-
perimur. Calixti sanctissimi auunculi ac predecesso-
ris tui; ea ad Cosinum Medicem primum patriæ nostræ
patrem uox fuit. Ostensurum illi se esse Vicariū xpī
cui tot ecclesias fabricauit. Nec passurum illum aut
populum eius; sed apostolicæ caros non esse; quos no-
uerit sapientia & diuitiis domino suo Christo fore cha-
rissimos. Cogitet modo Sanctitas tua an ablactatus
super matrem suam lætitiæ lachrimas queat continere.
Consolatus est certe dominus populum suum Florenti-
num. Conscidit saccum eius lætitiā circūdedit per om-
nes uicos nostros: Alleluia cantatur. Ortus cōclusus
amplius non dissipabitur. Vineā Sabaoth spinas ul-
tra non feret. Ager dominicus non siluescet imposte-
rū. Ponet desertum eius dominus quasi delicias.
Solitudinem eius quasi ortum irriguum; Gaudiū & læ-
titiā inuenitur in eo. Hæ sunt gratulationes nostræ
Beatissime Pater: Propter hoc lætatum est cor nostrū;
& exultauit lingua nostra. In medio enim Italiæ po-
siti iuncti non minus finibus q̄ animis rebus ecclesiæ:
Non possumus fortunam eius non sentire; Nō possu-
mus nō angī secum; nō lætari. Pars nō parua Ro. cu-

ria: Quomodo columbam dñi gemetem: Quomo-
 do Petrum de fluctibus tendetem brachia: sine dolore
 spectare possemus. Cantatcm pariter alterā: exultan-
 tem alter: ut nūc ex nouo pastore: Quomodo sine gau-
 dio intueri? Tam multa est certe affinitas togæ cū tu-
 nica: q̄ nulla cassidī cum tiara. Et mirantē quidam q̄
 primī uoluimus obedientiā profiteri. Nunq̄ fuimus
 secundī Beatissime Pater in his quæ ad huius tuæ san-
 ctæ sedis reuerentiā pertinent: sed primī omniū semp
 qui in uincā dñi uenerimus. Utinā modo parem saltē
 cum ultimis mercedē recepiſsemus. Illi tñ sumus qui
 a Lino cepimus superēdificari supra fundamentū apo-
 stolorum & primī huius tuę sanctę sedis esse domesti-
 ci. Siquidē Christus e celo: Petrus e Galilea: Linus e Thu-
 scia nostra originein ducens primus Italarum omniū.
 Primus earum nationū quę nunc Christianę sunt hanc
 tuam sedem gubernauit: ubi tu nunc sedes Beatissime
 Pater: & ipse primus post Petrū sedit. Illi inquam su-
 mus qui sanguinem nrm̄ contra Henricum tertiu: Con-
 tra Corradinos; Contra Manfredos: pro ecclesia fudi-
 mus. Illi sumus qui nō dicam Eugenium quartū cie-
 ctum Roma: sed Petrum ipsum Aplm̄ ex Antiochia in
 Italiā uenientē primī excepim⁹: fouim⁹: nutriuim⁹: nō
 crucifiximus. Ad Arnī ripā. B. P. nō Tyberis: nō Hi-
 beri: nō Padī Petrus ap̄loꝝ princeps primū altare xp̄ia-
 num extruxit: Clemēs Isidoro teste cōsecrauit. Plura nō
 referemus ne uideamur uenisse huc (ut multi) explicatū

merita nostra in ecclesiain: hæc tamen pauca tetigimus
ut uideat Sanctitas tua quæ merito gratulemur: quæ innata
nobis sit huius tuæ sanctæ sedis reuerentia: quæ trita pedi-
bus nostris uia illius in obsequiis eius. Tuos igitur re-
ligione: Tuos iure: Tuos consuetudine: Tuos fide: Tu-
os uoluntate suscipe Beatissime Pater Florétinos: Et ea
manu quo ipsi te genu in pastorem accipiunt. Animas &
corpora Sanctitati tuæ commendant: Quicquid habet
ante scabellum pedum tuorum exponunt. Utinam mo-
do uidere potuisset Sanctitas tua: Aut quibus hæc ani-
mis Patres illi nobis mandata dederunt: Aut quibus
uocibus populus ille frequens nos ad te ueniētes seque-
batur: Iudicaret sanctitas tua: Non dubitamus: Iudi-
caret nos elingues fuisse in exprimēda populi illius Spe
Deuotione: Latitia. Nos te indubitatum Christi Vi-
carium: Verum Petri successorem: ac Romanum Pon-
tificem confitemur: Tibi Christianorum Principi: Ac uni-
uersali domino Spirituali: obedientiam pollicemur.
Vicem quam geris in terris pro diuina: Salutamus: Ve-
neramur. Adoramus.

¶ Dixi.